

**Oqaluuserisassanut nassuiaat.**

(Inatsisartut Siulittaasoqarfiat)

Oqaluuserisassani imm. 36-ip Arnat angutillu naligiissitaanissaat pillugu Inatsisartut inatsisaata nr. 7-ip, 11. april 2003-meersup allanngortinneqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaaliornikkut siulersuisuni, sinniisutut aallartitaqarfinni imaluunniit ataatsimoorussamik aqutsisoqarfinni ilaasortassanik toqqaalernermi arnat angutillu naligiimmik Naalakkersuisunit toqqarneqartalernissaat qulakkeerneqaqqullugu, siullermeerneqarnissaata septembarip ulluisa 23-ianniiit oktobarip ulluisa tallimaannut nuunneqarnissaa Inuit Ataqtigiit kissaatigisimavaat. Immikkoortoq ulloq 5. oktober immikkoortutut kingullertut oqaluuserisassanut ilanngunneqassaaq.

Siulittaasoqarfiup aalajangerpaa immikkoortut 4 aamma 5 aqagu pingasunngornermi 22. september 2010 oqaluuserisassatut kingullertut oqaluuserisassanut ilanngunneqassasut.

Immikkoortoq 7, 2011-mut Inatsisartut aningaasanut inatsisissaannut siunnersuut aqagu pingasunngornermi 22. september 2010 oqaluuserisassatut siullertut oqaluuserineqassaaq.

Inatsisartunut ilaasortat Hans Enoksen, Siumut aammalu Hans Aronsen, Inuit Ataqtigiit piffissami septembarip ulluisa 21-ianniit septembarip ulluisa 24-iannut 2010 kingulliulluni taaneqartup sulinngiffeqarnerani taasisarnerit pillugit isumaqtigiissuteqarsimapput aammattaaq Justus Hansen, Demokraatit aammalu Kim Kielsen, Siumut piffissami septembarip ulluisa 21-ianniit septembarip ulluisa 23-iannut 2010 kingulliulluni taaneqartup sulinngiffeqarnerani taasisarnerit pillugit isumaqtigiissuteqarsimapput.